

四庫全書

子部

欽定四庫全書

子部
冊府元龜卷八百五十七

詳校官中書臣孫球

侍讀臣孫球覆勘

總校官庶吉士臣何思鈞

校對官助教臣汪錫魁

謄錄監生臣梁如林

原書卷題卷次訛誤

欽定四庫全書

冊府元龜卷一百五十七

宋 王欽若等 撰

總錄部

知音第二

宋宗炳字少文南陽人妙善琴書謂人曰撫琴動操欲
令衆山皆響古有金石弄為諸桓所重桓氏亡其聲遂
絕惟炳傳焉文帝遣樂師楊觀就炳受之數徵詔竝不
應

顏師伯頗解聲樂位至尚書僕射領丹陽尹

范曄善彈琵琶能為新聲文帝欲聞之屢諷以微旨曄
偽若不曉終不肯為帝彈嘗宴飲歡適謂曄曰我欲歌
卿可彈曄乃奉旨帝歌既畢曄亦止絃位至右將軍太
子詹事

謝稚善吹笙官至西陽太守

何承天能彈箏帝賜銀裝箏一面位至御史中丞

蕭思話善彈琴為侍中領左衛將軍嘗從文帝登鐘山

北嶺中道有盤石清泉帝使於石上彈琴因賜銀鐘酒
謂曰相賞有松石間意

張永為右光祿大夫曉音律孝武問永以太極殿前鐘
聲嘶永答鐘有銅滓乃扣鐘求其處鑿而去之聲遂清
越

戴顓字仲若父達善琴書顓竝傳之凡諸音律皆能揮
手會稽剡縣多名山故世居剡下顓及兄勃竝受琴於
父父沒所傳之聲不忍復奏各造新弄勃五部顓又制

長弄一部竝傳於世衡陽王義季亟從之遊顥服其野
服不改常度為義季鼓琴竝新聲變曲其三調遊絃廣
陵止息之流皆與世異顥合何嘗白鵠二聲以為一調
號為清曠中書令王綏嘗攜客造之勃等方進豆粥綏
曰聞君善琴試欲一聽不荅綏恨而去顥隱遁有高名
沈懷遠吳興人大明中懷遠被徙廣州造繞梁其器與
箏篪相似遠亡其器亦絕

南齊褚淵善彈琵琶武帝在東宮賜淵金鏤柄銀柱琵琶

琶太祖曲江宴羣臣數人各使効伎藝淵彈琵琶王僧
虔彈琴阮文季歌張敬兒舞王敬則拍王儉曰臣無所
解惟知誦書因跪帝前誦相如封禪書帝笑曰此盛德
之事吾何以堪之淵位至司徒領驃騎將軍錄尚書事
王僧虔為尚書令僧虔解音律以朝廷禮樂多違古典
民間競造新聲雜曲時太祖輔政僧虔上表宜命有司
緝理遺逸悉加補綴事見納

蔡仲熊濟陽人也師事劉瓛學禮博聞瓛講月令畢謂

學生嚴植曰江左以來陰陽律數之學廢矣吾今講此
曾不得其髣髴仲熊謂人曰凡鍾律在南不容復得調
平昔五音金石本在中土今既來南土氣偏陂音律乖
爽仲熊官至尚書左丞

蕭惠基永明中為太常加給事中自宋大明以來聲伎
所尚多鄭衛淫俗雅樂正聲鮮有好者惠基解音律尤
好魏三祖曲及相和歌每奏帝輒賞悅不能已

梁王冲為南郡太守曉音律習歌舞

柳惲既善琴嘗以今聲轉棄古法乃著清調論具有條
流惲初宋世有嵇元榮羊蓋竝善彈琴云傳戴安道之
法惲幼從之學特窮其妙竟陵王聞而引之以為法曹
行叅軍雅被賞狎王嘗置酒後園有晉謝安鳴琴在側
授惲惲彈為雅弄子良曰卿巧越嵇心妙臻羊體良質
美手信在今辰豈可當世稱奇足可追蹤古烈累遷太
子洗馬惲父世隆善彈琴世稱柈公雙璫為士流第一
惲每奏其父曲常感恩復變體備寫古曲嘗賦詩未就

以筆插捶琴坐客過以筋扣之憚驚其哀韻乃製為雅音後傳擊琴始自於此

卞華字昭丘孤貧好學江左以來鍾律絕學至華乃通焉位至尚書儀曹郎吳令

後魏陳仲孺神龜初自南歸國頗閑樂事請依前漢京房立准以調八音有司問仲孺言前被符問京房准定六十律之後雖有器存曉之者尠焉後漢熹平末張光等猶不能定絃之急緩聲之清濁仲孺自受何師出何

典籍而云能曉答曰仲孺在江左之日頗愛琴又嘗覽
司馬彪所撰續漢書見京房准行成數昭然而張光等
不能定仲孺不量庸昧竊有意焉遂竭愚思鑽研甚久
雖未能測其微妙至無聲韻頗有所得度量衡歷皆出
黃鍾雖造管察氣經史備有但氣有盈虛忝有巨細差
之毫釐失之千里自非管應時候聲驗吉凶則是非之
源諒亦難定此則非仲孺淺識所敢聞之至於准者本
以代律取其分數調較樂器則宮商易辨若尺寸小長

六十宮商相與微濁若分數如短則六十徵羽類皆小清語其大本居然微異至於清濁相宜諧會歌管皆得應合雖積黍驗氣取聲之本清濁諧會亦須有方若閑准意則辨五聲清濁之韻若善琴術則知五調調音之體叅此二途以均樂器則自然應和不相奪倫如不練此必有乖謬按後漢順帝陽嘉二年冬十月行禮辟雍奏應鍾始復黃鍾作樂器隨月律是為十二之律必須次第為宮而商角徵羽以類從之尋調聲之體宮商宜

濁徵羽用清若依公孫崇止以十二律聲而云還相為
宮清濁悉足非惟未練五調調器之法至於五聲次第
自是不足何者黃鍾為聲氣之元其管最長故以黃鍾
為宮太簇為商林鍾為徵則一往相順若均之八音猶
須錯採衆聲配成其美若以應鍾為宮大呂為商蕤賓
為徵則徵濁而宮清雖有其韻不成音曲若以夷則為
宮則十二律中惟得取中呂為徵其商角羽竝無其韻
若以中呂為宮則十二律內全無所取何者中呂為十

二之竅變律之首依京房書中呂為宮乃以去減為商
執始為徵然後方韻而崇乃以中呂為宮猶用林鍾為
商黃鍾為徵何繇可諧仲孺以為調和樂器文飾五聲
非唯不妙若如嚴崇父子心賞清濁是則為難若依案
見尺作准調絃緩急清濁可以意推爾但音聲精微史
傳簡畧舊誌惟云准形如瑟十三絃隱間九尺以應黃
鍾九寸調中一絃令與黃鍾相得按畫以求其聲聲遂
不辨准須柱以成柱有高下絃有粗細餘十二絃復應

若為致令攬者迎前拱手又按房准九尺之內若一十七萬七千一百四十七分一尺之內為萬九千六百八十三分又復十之是為於准一寸之內亦有萬九千六百八十三分然則於准一分之內乘為二千分又為小分以辨強弱中間至促雖離朱之明猶不能窮而分之雖然仲孺私曾考驗但前却中柱使入准嘗尺分之內則相生之韻已自應合然分數既微器宜精妙其准面平直須如停水其中絃一柱高下須與二頭臨岳一等

移柱上下之時不使離絃不得舉絃又中絃粗細須與琴宮相類中絃須施軫如琴以軫調聲令與黃鍾一管相合中絃下依數盡出六十律清濁之節其餘十二絃須施柱如箏又凡絃皆須素張使臨時不動即於中絃按盡一周之聲度著十二絃上然後依相生之法以次運行取十二律之商徵商徵既定又依琴五調調聲之法以均樂器其琴調以宮為主清調以商為主平調以角為主五調各以一聲為主然後錯採衆聲以文飾之

方如錦繡自上代來消息調准之方竝史文所畧出仲孺愚思若事有乖此則音不和平仲孺尋准之分數精微如彼定絃緩急艱難若此而張光等視掌尚不識藏中有准既未識其器又安能施絃也且燧人不師資而習火廷壽不束脩以變律故云知之者欲教其無從心達者體知而無師苟有毫釐所得皆關心抱豈必要經師授然後為奇哉但仲孺自省庸淺才非一足下可粗識音韻纔言其理致爾時尚書蕭寶寅又奏金石律呂

制度調均自古以來尠或通曉仲孺雖粗述書文頗有所說而學不師授云出已心又云舊器不任必須更造然後克諧上違用舊之旨輕欲制造臣切思量不合依許詔曰禮樂之事非常人所明可如其所

源懷為車騎大將軍雅知音律雖在白首至安居之暇常自操絲竹

高允好音樂每至伶人絃歌鼓舞常擊節稱善位至中書令

柳諧善鼓琴以新聲手勢京師士子翕然從學除著作
佐郎

裴靄之字幼重好琴書其內弟柳諧善鼓琴靄之師諧
而微不及也官至平東將軍汝南太守

趙煦字賓有好音律以善歌聞於世位至秦州刺史
北齊李搔字德沈少聰敏善音律曾採諸聲別造一器
號曰八絃時人稱其思理位至尚書議郎

鄭述祖能鼓琴自造龍吟十弄云嘗夢人彈琴寤而寫

得當時以為絕妙位至兗州刺史

爾朱文畧聰明雋爽多所通習文襄嘗令陰永興於馬上彈胡琵琶奏十餘曲試使文畧寫之遂得其八帝戲

之曰聰明人多不壽考梁郡

以父蔡為梁王襲封梁

其慎之文畧

對曰命之修短皆在明公帝愴然曰此不足慮也

李神威幼有風裁好音樂撰集樂書近於百卷位至尚

書左丞

後周斛斯徵為太常卿解音律樂有錚于者近代絕無

此器或有自蜀得之皆莫之識徵見之曰此罇于也衆弗之信徵遂依于寶周禮注以芒筒將之其聲極清衆乃歎服徵仍取以合樂焉

長孫紹遠為太常卿廣召工人創造樂器土木絲竹各得其宜唯黃鍾不調紹遠每以為恨嘗因退朝經韓使君佛寺前過聞浮圖三層之上有鳴鐸焉忽聞其音雅合宮調取而配奏方始克諧紹遠乃啓明帝行之

隋蘇夔與鄭鐸何妥議樂得罪議寢不行著樂志十五

篇以見其志數載拜太子舍人以罪免居數年仁壽十
年詔天下舉達禮樂之源者晉王昭時為雍州牧舉夔
應之與諸州所舉五十餘人謁見帝望夔謂侍臣曰惟
此一人稱吾所舉位至光祿大夫

長孫覽尤曉鍾律位至涇州刺史

萬寶嘗父大通從梁將王琳歸於齊後復謀還江南事
泄伏誅繇是寶嘗被配為樂戶因而妙達鍾律遍工八
音造玉磬以獻於齊又嘗與人方食論及聲調時無樂

器寶嘗因取前食器及雜物以箸扣之品其高下宮商畢諧於絲竹大為時人所賞然歷周洎隋俱不得調開皇初沛國公鄭譯等定樂初為黃鍾調寶嘗雖為伶人譯等每名與議然言多不用後譯樂成奏之帝召寶嘗問其可否寶嘗曰此亡國之音豈陛下之所宜聞帝不悅寶嘗因極言樂聲哀怨淫放非雅正之音請以水尺為律以調樂器帝從之寶嘗奉詔遂造諸樂器其聲率下鄭譯調二律并撰樂譜六十四卷具論八音旋相為

宮之法改絃移柱之制為八十四調一百四十四律變
化終於一千八百聲時人以周禮有旋宮之義自漢魏
以來知音者皆不能通見寶嘗特創其事皆哂之至是
試令為之應手成曲無所凝滯見者莫不嗟異於是損
益樂器不可勝紀其聲音雅淡不為時人所好太常善
聲者多排毀之寶嘗嘗聽太常所奏樂泣然而泣人問
其故寶嘗曰樂聲淫厲而哀天下不久相殺將盡時四
海全盛聞其言者皆謂為不然大業之末其言卒驗後

無人贍遺竟餓而死及將死也取其所著書而焚之曰
何用此為見者於火中探得數卷見行於世時論哀之
寶嘗死開皇之世鄭譯何妥盧賁蘇夔蕭吉竝討論墳
籍撰著樂書皆為當時所用至於天然識樂不及寶嘗
遠矣安馬駒曹妙達王長通郭全樂等能造曲為一時
之妙多習鄭聲而寶嘗所為皆歸於雅此輩雖公議不
附寶嘗然皆心服謂以為神

曹妙達安馬駒皆北齊人開皇初以藝遊王公之門新

聲變曲傾動當世天子不能禁也帝嘗令妙達理郊廟樂成寫傾杯行天之聲鄭譯知鐘律位至上柱國

王令言樂人也好妙達音律大業末煬帝將幸江都令言之子嘗從於戶外彈胡琵琶作翻調安公子曲令言時臥室中聞之大驚蹶然而起曰變變急呼其子曰此曲興自早晚其子對曰頃來有之令言遂歔歔流涕謂其子曰汝慎無從行帝必不反乎問其故令言曰此曲宮聲往而不反夫宮者君也吾所以知之

唐張文收善音律嘗覽蕭吉樂譜以為未甚詳悉乃取歷代公草截竹為十二律吹之備盡旋宮之義太宗召文收於太常令與少卿祖孝孫叅定雅樂太樂有右鐘十二近代用其七餘有五鐘俗號啞鐘莫能通者文收吹律調之聲皆響徹時人咸服其妙尋授協律郎總章中潤州得玉磬以獻文收扣其一曰是音其歲閏月造者得月數當十三今闕其一於黃鍾東九尺掘得焉下州求之如其言而得也

趙師字邪利天水人也善琴貞觀初獨步上京嘗云吳聲清婉若長江廣流綿綿徐逝有國士之風蜀聲躁急若擊浪奔雷亦一時也

李嗣真為始平令皇太子賢使樂工於東宮新作寶慶之曲曲成而工者奏於太清觀嗣真謂道士劉旣輔儼曰此樂宮商不和君臣相阻之徵也角徵失次父子不協之兆也殺聲既多哀調又苦國家無事則太子受其咎也居數月而賢廢旣儼奏其事擢嗣真為太常丞使

知五禮儀注嗣真私謂人曰禍猶未已上風柔緩日侵
不親庶務事無巨細決於中宮持權與人收之不易宗
室雖衆皆在散位居中制外其勢不敵吾恐諸王藩翰
皆為中宮所蹂踐矣且自隋以來樂府堂堂之曲

再言
堂者

是堂氏再
受命也

若中宮僭擅復歸子孫則為受命矣近日間

巷又有側堂堂撓堂堂之謠側者不正之辭撓者不安
之稱吾見患難之作不復久矣唐承周隋離亂之後樂
懸散失獨無徵音國性所闕知者莫敢聞達其事天后

未嗣真為御史大夫嘗密求之不得一旦秋爽聞礮聲
有應者在今弩營是當時英公宅又數年無絲得之其
後敬業舉兵敗天后潛其宮嗣真乃求得喪車一鐸入
而振之於東南隅果有應者遂掘之得石一段裁為四
具補樂懸之散闕今享宗廟郊天柱簣簠者乃嗣真所
得者也

裴知古為太常令神龍元年正月則天享太廟知古謂
萬年令元行冲曰金石諧和當有吉慶之事其在唐室

子孫乎其月中宗即位知古路逢乘馬者聞其聲切云
此人當墜馬好事者隨觀之行未半里馬驚墜殆死嘗
觀人迎婦聞佩玉聲曰此婦人不利姑是日姑有疾其
知音皆此類也

衛道弼近代言樂為最天下莫能以聲欺者曹紹夔次
之弼夔皆為太樂令享北郊監享御史有怒於夔欲以
樂不和為之罪雜扣鐘聲使夔聞名之無誤繇是反款
伏又雒陽有僧房中磬日夜自鳴僧以為怪懼而成疾

求術士百方禁之終不能已紹夔素與僧善來問疾僧具以告俄擊齋鐘磬復作聲紹夔笑曰明日可設盛饌當相為除之僧雖不信紹夔言冀其或效乃具饌以待紹夔食訖出懷中錯鑪聲數處而去遂絕僧告問其所以紹夔云此磬與鐘律合故擊彼此應僧大喜疾亦愈姚閭梁國公崇之姪孫妙於絲竹位至城父令

王維博學多藝人有得奏樂圖不知其名維視之曰霓裳第三疊第一拍也好事者集樂工按之一無差忒咸

服其精思官至尚書右丞

宋沈善音律太常久亡徵調沈考鐘律得之

李勉罷相為太子太師善鼓琴好屬詩妙知音律能自製琴又巧思

衛次公為渭南尉次公善鼓琴京兆尹李齊運使其子交歡意次公誨之琴次公不許繇是終身未嘗操絃位至淮南節度使

杜式方為太常寺主簿明練鐘律有所考定深為卿高

郢所賞

韓皋生知音律嘗觀彈琴至止息歎曰妙哉嵇生之為是曲也其當晉魏之際乎其音主商商為秋聲秋也者天將搖落肅殺其歲之晏乎又晉乘金運商金聲此所以知魏之季而晉將代也慢其商絃與宮同音是臣奪君之義也所以知司馬氏之將篡也司馬懿受魏明帝顧託後嗣反有篡奪之心自誅曹爽逆節彌露王陵都督揚州謀立荆王彪母丘儉王欽諸葛誕前後相繼為

揚州都督咸有興復魏室之謀皆為懿父子所殺叔夜以揚州故廣陵之地彼四人者皆魏室文武大臣咸敗於廣陵散言魏氏散亡自廣陵始也止息者晉雖暴興終止息此也其哀憤躁蹙疾痛迫脅之音盡在於是矣永嘉之亂其應乎叔夜撰此將貽後代之知者且避晉魏之禍所以託之神鬼也皋之於音可謂至矣位至左僕射東都留守

崔令卿為太常丞文帝欲造雲韶樂曲召令卿對令卿

拍陳根本兼言聲音之道帝歎異久之遷太僕卿令卿善吹律盡批其管使如簫焉以吹之諧於金石絲竹之音自近代通於聲律者無與令卿為比

雲朝霞文宗朝以善吹笛進文宗為新聲雅樂朝霞能承意變聲頗符帝旨為教坊副使

李可及咸通中伶官善音律尤能轉喉為新聲音辭曲折聽者忘倦京師屠酤少年效之謂之拍彈時同昌公主除喪懿宗與郭淑妃悼念不已可及為作歌百年舞

曲舞人皆盛飾珠翠仍畫魚龍地衣以列之曲終樂闋
珠翠覆地詞語悽惻聞者流涕又嘗於安國寺作菩薩
蠻舞帝益憐之

周王仁裕初仕晉為司封郎中仁裕為文之外亦曉音
律天福五年八月戊申宴羣臣於永福殿樂奏黃鍾仁
裕曰音不純肅聲不和振其將有爭者乎或問之曰奚
以知其然對曰夫樂有天地辰宿有軌數形色有陰陽
逆順有離合隱見天數五地數六六五相合十一月而

生黃鍾黃鍾者同律之主五音之元宮也子寅卯巳未
酉戌謂之羽子寅辰午未酉亥謂之宮子丑卯巳未申
戌謂之角子卯辰巳未酉戌謂之商四者靡靡成章峻
而且厲鄭衛之音此之謂也雖高有所忽微中有所闕
漏與夫推歷生律以律合呂九六之偶旋相為宮三正
生天地之美七宗固陰陽之序者於其通人神宣歲功
生成軌儀之德紀協長大之算則精粗異矣在乎審治
亂察盛衰原性情應形兆則殊途而同歸也三正者一

為天二為地三為人七宗者黃鍾為宮太簇為商姑洗
為角林鍾為徵南呂為羽應鍾為變宮蕤賓為變徵角
為木商為金宮為土變徵為日變宮為月徵為火羽為
水龍角元龜天豕井候主乎角平亢河鼓婁聚輿鬼主
乎商天根須女庖俎烏喙主乎宮辰馬陰虛旄頭天都
主乎變徵大火丘封天高烏搏主乎變宮龍尾元室四
兵天倡主乎徵天津東璧參代輶車主乎羽角之數六
十有四商之數七十有二宮之數八十有一變徵之數

五十有六變宮之數四十有二徵之數五十有四羽之數四十有八極商之數九十陽之數一百二十有八陰之數一百一十有二五音之數畢矣神無形而有化處乎聲數之間故昭之以音合之以筭音以定主筭以求象觸於耳而徹於心絲是而知也夫何疑哉

王朴為樞密使朴多所該綜至如星緯聲律莫不畢殫其妙所撰大周欽天厯及律准并行於世

冊府元龜卷八百五十七

欽定四庫全書

冊府元龜卷八百五十八

宋 王欽若等撰

總錄部

醫術

周官有醫師之職掌醫之政令聚毒以供其事稽勞而制其食益以十全者為上矣傳曰醫不三世不服其藥又曰三折肱知為良醫誠以其繼志肄業傳習精練除疾蠲疴功效顯著之謂也自俞扁和緩擅名於前代漢

魏而下高手繼出其操術之妙亦幾於神簡策所紀爛然可覲若乃審四時之候究六癘之本調五味五穀五藥之品視五氣五聲五色之狀兩之以九竅之變參之以九臟之動則人之死生繫焉在執藝之工為難能矣醫緩秦人也晉景公疾病求醫於秦秦伯使醫緩為之緩醫名為猶治也未至公夢病為二豎子曰彼良醫也懼傷我馬逃之其一曰居育之上膏之下若我何育禹也心為下膏醫至曰疾不可為也在育之上膏之下攻之不可達之不

及藥不至焉不可為也

達針也

公曰良醫也厚為之禮而

歸之

醫和秦人也晉平公有疾求醫於秦秦伯使醫和視之

曰疾不可為也是謂近女室疾如蠱

蠱惑也

非鬼非食惑

以喪志

惑女色而失志

良臣將死天命不祐

良臣不規救君過故將死而不為天

所公曰女不可近乎對曰節之先王之樂所以節百事

也故有五節

五聲之節

遲速本末以相及中聲以降五降之

後不容彈矣

此謂先王之樂得中聲聲成五降而息也降罷退也

於是有煩手淫

聲惱堙心耳乃忘平和君子弗聽也

五降而不息則雜物竝奏所以成鄭

衛之

物亦如之

言百事皆如樂不可失節

至於煩乃舍也已無則生

疾

煩不舍則生疾

君子之近琴瑟以儀節也非以惱心也

為心之節

儀使動不過度

天有六氣

謂陰陽風雨晦明也

降生五味

謂金味辛木味酸水味鹹火味

苦土味甘皆繇陰陽風雨而生

發為五色

辛色白酸色青鹹色黑苦色赤甘色黃發見也

徵為

五聲

白聲商青聲角黑聲羽赤聲徵黃聲宮徵也

淫生六疾

淫過也滋味聲色所以養人然

過則生害

六氣曰陰陽風雨晦明也分為四時序為五節

六氣

之化分而序之則成四時得五行之節

過則為菑

古災字

陰淫寒疾

寒過則為冷

陽淫熱疾

熱過則喘渴

風淫末疾

末四肢也風緩急

雨淫腹疾

雨濕之氣

為洩注

晦淫惑疾

晦夜也為宴寢過節則心惑亂

明淫心疾

明盡也思慮煩多心勞生

疾

女陽物而晦時淫則生內熱感蠱之疾

女嘗隨男故言陽物家道

嘗在夜故言晦時

今君不節不時能無及此乎出告趙孟趙孟

曰誰當良臣對曰主是謂矣主相晉國於今八年晉國

無亂諸侯無關可謂良矣和聞之國之大臣榮其寵祿

任其大節有菑禍興而無改焉

改改行以救菑

必受其咎今君

至於淫以生疾將不能圖恤社稷禍孰大焉主不能禦

吾是以云也

云主將死

趙孟曰何謂蠱對曰淫溺惑亂之所

生

淫溺沒於嗜欲

於文皿蟲為蠱

文字皿器也器受蟲為害者為蠱

穀之飛亦

為蠱

穀久積則變為飛蟲名曰蠱

在周易女惑男風落山謂之蠱

巽下艮上蠱巽為長女為風艮為少男為山少男而說長女非匹故惑山木得風而落皆同物也

物猶類也趙孟曰良醫也乃厚禮而歸之

文摯宋醫也齊王疾疇

齊王愾王宣王之子疇使人之鮮疇也一曰善腫卧也

使人之

宋迎文摯文摯視王之疾謂太子曰王之疾必可已也

已猶愈也雖然王疾不可治怒王則摯必死

怒讀強弩之弩也

太子

頓首強請曰苟已王之疾臣與臣之母以死爭之於王

王必幸臣之母

幸哀也

願先生之勿緩也文摯曰諾請以

死為王

為治也

與太子期而將往不當者三

三不如也

齊王

固已怒矣文摯至不解屨登牀履王衣問王之疾王怒

而不與言

故不解屨以履王衣欲令王怒也王怒果甚不與文摯言之也

文摯因出固

辭而重怒王叱起疾乃遂已

已徐愈也

王大怒不說將生烹

文摯太子與王后急爭之而不能得果以鼎生烹文摯

變之三日三夜其顏色不變

變毀也

文摯曰誠欲殺我則

胡不覆之以絕陰陽之氣王使覆之文摯乃死

趙扁鵲渤海郡鄭人

鄭當為鄭今莫州縣

姓秦氏名越人少時為

人舍長舍客長桑君過扁鵲獨奇之嘗謹遇之長桑君

亦知扁鵲非常人也出入十餘年乃呼扁鵲私坐間與

語曰我有禁方年老欲傳與公公母泄扁鵲曰敬諾乃

出其懷中藥與扁鵲飲是以上池之水

上池水謂水未至地蓋承取露

及竹木上取之以和藥服之三十日當見鬼物

三十日當知物矣乃悉取其禁

方書盡與扁鵲忽然不見殆非人也扁鵲以其言飲藥

三十日視見垣一方人以此視病盡見五藏癥結特以
診脉為名爾為醫或在齊或在趙在趙者名扁鵲當晉
昭公時趙簡子為大夫專國事簡子疾五日不知人大
夫皆懼於是召扁鵲扁鵲入視病出董安于問扁鵲扁
鵲曰血脉治也而何恠昔秦穆公嘗如此七日而寤寤
之日告公孫友與子輿曰我之帝所甚樂吾所以久者
適有所學也帝告我晉國且大亂五世不安其後將霸
未老而死霸者之子且令而國

而汝也

男女無別公孫支

書而藏之秦策於是出夫獻公之亂文公之霸而襄公
敗秦師於殽而歸縱淫此子之所聞今主公之病與之
同不出三日必間間必有言也居三日半簡子寤語諸
大夫曰我之帝所甚樂與百神游於鈞天廣樂九奏萬
舞不類三代之樂其聲動心有一熊欲援我帝命我射
之中熊死又有羆來我又射之中羆死帝甚喜賜
我二笥皆有副吾見兒在帝側帝屬我一翟犬曰及而
子之壯也以賜之帝告我晉國且世衰七世而亡羸姓

將大敗周人於范魁之西而亦不能有也董安于受言
書而藏之以扁鵲言告簡子簡子賜扁鵲田四萬畝後
扁鵲過虢虢太子死扁鵲至虢宮門下問中庶子喜方
者曰太子何病國中治穰過於衆事中庶子曰太子病
血氣不時交錯而不得泄暴發於外則為中害精神不
能止邪氣邪氣畜積而不得泄是以陽緩而陰急故暴
厥而死扁鵲曰其死何如時曰雞鳴至今曰收乎曰未
也收謂棺斂其死未能半日也言臣齊渤海秦越人也家在

於鄭未嘗得望精光侍謁於前也聞太子不幸而死臣
能生之中庶子曰先生得無誕之乎何以言太子可生
也臣聞上古之時醫有俞跗治病不以湯液醴灑鏡石
橋引按杙毒熨一撥見病之應因五藏之輸乃割皮解
肌訣脉結筋搦髓腦揲荒爪幕湔腸胃漱滌五藏練
精易形先生之方能若是乎則太子可生也不能若是
而欲生之曾不可以告咳嬰之兒終日扁鵲仰天嘆曰
夫子之為方也若以管窺天以郄視文越人之為方也

不待切脉望色聽聲寫形言病之所在聞病之陽論得其陰聞病之陰論得其陽病應見於大表不出千里決者至衆不可屈指也子以吾言為不誠試入診太子當聞其耳鳴而鼻張循其兩股以至於陰當尚溫也中庶子聞扁鵲言目眩然而不瞋舌橋然而不下乃以扁鵲言入報虢君虢君聞之大驚出見扁鵲於中闕曰竊聞高義之日久矣然未嘗得拜謁於前也先生過小國幸而舉之徧國寡臣幸甚有先生則活無先生則棄捐填

溝壑長終而不得反言未卒因噓唏服臆魂精泄橫流

涕長潛

一云言未卒因涕泣交流噓唏不能自止

忽忽承映悲不能自止容

貌變更扁鵲曰若太子病所謂尸蹙者也夫以陽入陰

中動胃續緣中經維絡

維一作結

別下於三焦膀胱是以陽

脉下遂

作隊

陰脉上爭會氣閉而不通陰陽內行下內鼓

而不起上外絕而不為使上有絕陽之絡下有破陰之

細破陰絕陽之色已瘳

一作發

脉亂故形靜如死狀太子

未死也夫以陽入陰支蘭藏者生以陰入陽支蘭藏者

死凡此數事皆五藏廢中之時暴作也良工取之拙者
疑殆扁鵲乃使弟子子陽厲鍼砥石以取外三陽五會
有間太子蘇乃使子豹為五分之熨以八減之齊和煮
之以更熨兩脅下太子起坐更適陰陽但服湯二旬而
復故故天下盡以扁鵲為能生死人扁鵲曰越人非能
使之起爾說自晉獻公時滅至是二十餘年矣蓋傳誤也扁鵲過齊桓侯客
之入朝見曰君有疾在腠理不治將深桓侯曰寡人無
疾扁鵲出桓侯謂左右曰醫之好利也欲以不疾者為

功後五日扁鵲復見曰君有疾在血脉不治恐深桓侯
曰寡人無疾扁鵲出桓侯不悅後五日扁鵲復見曰君
有疾在腸胃間不治將深桓侯不應扁鵲出桓侯不悅
後五日扁鵲復見望見桓侯而退走桓侯使人問其故
扁鵲曰疾之居腠理也湯熨之所及也在血脉鍼石之
所及也其在腸胃酒醪之所及也在骨髓雖司命無奈
之何今在骨髓臣是以無請也後五日桓侯體病使人
召扁鵲扁鵲已逃去桓侯遂死

是時齊無桓侯即
和之子桓公也扁鵲

名聞天下過邯鄲聞貴婦人即為帶下醫過雒陽聞周人愛老人即為耳目痺醫來入咸陽聞秦人愛小兒即為小兒醫隨俗為變秦太醫令李醯自知伎不如扁鵲也使人刺殺之至今天下言脉者絲扁鵲也

漢太倉公者為齊國太倉長姓淳于氏名意少而喜醫方術高后八年更受師同郡元里公乘陽慶慶年七十餘無子時使意盡去其故方更悉以禁方與之傳黃帝扁鵲之脉書五色診病知人死生決嫌疑定可治及藥

論甚精時受之三年為人治病決死生多驗然左右行游諸侯不以家為家或不為人治病病家多怨之者文帝詔召問所為治病死生驗者幾何人主名為誰意對

曰自意少時喜醫藥方試之多不驗者至高后八年

意年

二十得見師臨苗元里公乘陽慶慶年七十餘意得見

事之謂意曰盡去而方書非是也慶有古先道遺傳黃帝扁鵲之脉書五色診病知人生死決嫌疑定可治及藥論書甚精我家給富心愛公欲盡以我禁方書悉教

於公臣意即曰幸甚非意之所敢望也臣意即避席再拜謁受其脉書上下經五色診奇咳術揆度陰陽外變藥論石神接陰陽禁書受讀解驗之可一年所明歲即驗之有驗然尚未精也要事之三年所即當已為人治診病決死生有驗精良今慶已死十年所臣意年盡三
年年三十九歲也齊侍御史成自言病頭痛臣意診其脉告曰君病惡不可言也即出獨告成弟昌曰此病疽也內發於腸胃之間後五日當癘腫後八日嘔膿死成

之病得之飲酒且內成即如期死所以知成之病者臣

意切其脉得肝氣濁

一作

而靜

一作

此內關之病也脉

法曰脉長而弦不得代四時者其病主在於肝和即經

主病也代則絡脉有過經主病和者其病得之筋髓裏

其代絕而脉貫者病得之酒且內所以知其後五日而

癆腫八日嘔膿死者切其脉時少陽初代代者經病病

去過人人則去絡脉主病當其時少陽初關一分故中

熱而膿未發也及五分則至少陽之界

一作分下章曰
肝與心相去五

分故曰五
日盡也

及八日則嘔膿死故上二分而膿發五界而

癢腫盡泄而死熱上則熏陽明爛流絡流絡動則脉結

發脉結發則爛解故絡交熱氣已上行至頭而動故頭

痛齊王中子諸嬰兒小子病召臣意診切其脉告之曰

氣禹病使人煩懣食不下時嘔沫病得之少憂數怗食

飲臣意即為之作下氣湯以飲之一日氣下二日能食

三日即病愈所以知小子之病者診其脉心氣也濁

龜又躁而經也此絡陽病也脉法曰脉來數病去難而

不一者病主在心周身熱脉盛者為重陽重陽者邊心

主

邊盪也謂病盪
心者猶刺其心

故煩懣食不下則絡脉有過絡脉有

過則血上出血上出者死此悲心所生也病得之憂也

齊郎中令循病衆醫皆以為蹙入中而刺之臣意診之

曰湧疝也令人不得前後溲循曰不得前後溲三日矣

臣意飲以火齊湯一飲得前溲再飲大溲三飲而病愈

病得之內所以知循病者切其脉時右口氣急

右一脉
作又

無五藏氣右口脉大而數數者中下熱而湧左為下右

為上皆無五藏應故曰湧疝中熱故溺赤也齊中御府
長信病臣意入診其脉告曰熱病氣也然暑汗脉少衰
不死曰此病得之當浴流水而寒甚已則熱信曰唯然
往冬時為王使於楚至莒縣陽周水而莒橋梁頗壞信
則繫車轅未欲渡也馬驚即墜信身入水中幾死吏即
來救信出之水中衣盡濡有間而身寒已熱如火至今
不可以見寒臣意即為之液火齊湯遂熱一飲汗盡再
飲熱去三飲病已即使服藥出入二十日身無病者所

以知信之病者切其脉時并陰脉法曰熱病陰陽交者
死切之不交并陰并陰者服順清而愈其熱雖未盡猶
活也腎氣有時間濁濁一作龜在太陰脉口而希是水氣也

腎固主水故以此知之失治一時即轉為寒熱齊王太
后病召臣意入診脉曰風痺客腧難於大小溲溺赤臣
意飲以火齊湯一飲即前後溲再飲病已溺如故病得
之流汗出溇溇者去衣而汗晞也所以知齊王太后病
者臣意診其脉切其太陰之口滋然風氣也脉法曰沉

之而大堅浮之而大緊者病生在腎腎切之而相反也
脉大而躁躁大者膀胱氣也躁者中有熱而溺赤齊章
武里曹山跗病臣意診其脉曰肺消瘵也加以寒熱即
告其人曰死不治適其供養此不當醫治法曰後三日
而當狂妄起行欲走後五日死即如期死山跗病得之
盛怒而以接內所以知山跗之病者臣意切其脉肺氣
熱也脉法曰不平不鼓形弊一作散此五藏高之遠數以
經病也故切之時不平而代不平者血不居其處代者

時參擊竝至乍躁乍大也此兩絡脉絕故死不治所以
加寒熱者言其人尸奪尸奪者形弊形弊者不當關灸
鏡石及飲毒藥也臣意未往診時齊太醫先診山跗病
灸其足少陽脉口而飲之半夏丸病者即泄注腹中虛
又灸其少陰脉是壞肝剛絕深如是重損病者氣以故
加寒熱所以後三日而當狂者肝一絡連屬結絕乳下
陽明故絡絕開陽明脉傷即當狂走後五日死者肝與
心相去五分故曰五日盡即死矣齊中尉潘滿如病小

腹痛臣意診其脉曰遺積瘕也臣意即謂齊大僕臣饒

內史臣繇曰中尉不復自止於內則三十日死後二十

餘日溲血死病得之酒且內所以知潘滿如病者臣意

切其脉深小弱其卒然合一云未然合合也是脾氣也右脉

口氣至緊小見瘕氣也以此相承故三十日死三陰俱

搏者如法不俱搏者決在急期一搏一代者近也故其

三陰搏溲血如前止前一作勤也陽虛侯相趙章病召臣意

衆醫皆以為寒中臣意診其脉曰迴風言動徹迴風者

飲食下噎

謂喉下也

而輒出不留法曰五日死而後十日乃

死病得之酒所以知趙章之病者臣意切其脉脉來滑

是內風飲食下噎而輒出不留者法五日死皆為前分

界法後十日乃死所以過期者其人嗜粥故中藏實中

藏實故過期師言曰安穀者過期不安穀者不及期濟

北王病召臣意診其脉曰風蹙胸滿即為藥酒盡三石

病已得之汗出伏地所以知濟北王病者臣意切其脉

時風氣也心脉濁

一作
龜

病法過入其陽陽氣盡而陰氣

入陰氣入張則寒氣上而熱氣下故胃滿汗出伏地者

切其脉氣陰陰氣者病必入中出及澆水也齊北宮司

空命婦出於病

婦一作奴
蓋女奴也

衆醫皆以為風入中病主

在肺

肺一作肝

刺其足少陽脉臣意診其脉曰病氣疝客於

膀胱難於前後溲而溺赤病見寒氣則遺溺使人腹腫

出於病得之欲溺不得因以接內所以知出於病者切

其脉大而實其來難是蹙陰之動也脉來難者疝氣之

客於膀胱也腹之所以腫者言蹙陰之絡結小腹也蹙

陰有過則脉結動動則腹腫臣意即灸其足蹵陰之脉

左右各一所即不遺溺而溲清小腹痛止即更為火齊

湯以飲之三日而疝氣散即愈故濟北王阿母

一作齊阿王母

自言足熱而憑臣意告曰熱蹵也即刺其足心各三所

案之無出血病旋已病得之飲酒大醉濟北王召臣意

診脉諸女子侍者至女子豎豎無病臣意告永巷長曰

豎傷脾不可勞法當春嘔血死臣意言王曰才人女子

豎何能王曰是好為方多伎能為所是案法新

所一作取往

年市之民所四百七十萬曹偶四人

臣欽若曰史記索隱曹偶猶等輩也

王曰得母有病乎臣意對曰豎病重在死法中王召視之其顏色不變以為不然不賣諸侯所至春豎奉劍從王之廁王去豎後王令人召即仆於廁嘔血死病得之流汗流汗者同法病內重毛髮而色澤脈不衰此亦關內之病也齊中大夫病齟齬臣意執其左太陽明脈即為苦參湯日漱三升出入五六日病已得之風及卧問曰食而不漱菑川王美人懷子而不乳來召臣意臣意

往飲以葭藶藥一撮以酒飲之旋乳臣意復診其脉而脉躁躁者有餘病即飲以消石一齊出血血如豆比五六枚齊丞相舍人奴從朝入宮臣意見之食於閨門外望其色有病氣臣意即告宦者平平好為脉學臣意所臣意即示之舍人奴病告之曰此傷脾氣也當至春鬲塞不通不能食飲法至夏泄血死宦者平即往告相曰君之舍人奴有病病重死期有日相君曰卿何以知之曰君朝時入宮君之舍人奴盡食閨門外平與倉公立

即示平曰病如是者死相即名舍人奴而謂之曰公奴
有病乎舍人曰奴無病身無痛者至春果病至四月泄
血死所以知奴病者脾氣周乘五藏傷部而交故傷脾
之色也望之殺然黃察之如死青之茲衆醫不知以為
大蟲不知傷脾所以至春死病者胃氣黃者土氣也土
不勝木故至春死所以至夏死者脉法曰病重而脉順
清者曰內關內關之病人不知其所痛心急然無苦若
加以一病死中春一愈順及一時其所以四月死者診

其人時愈順愈順者人尚肥也奴之病得之流汗數出
炙於火而以出見大風也菑川王病召臣意診脉曰蹶
上為重頭痛身熱使人煩懣臣意即以寒水拊其頭刺
足陽明脉脉左右各三所病旋已病得之沐髮未乾而
卧診如前所以蹶頭熱至肩齊王黃姬兄黃長卿家有
酒召客召臣意諸客坐未上食臣意望見王后弟宋建
告曰君有病往四五日君要脅痛不可俛仰要與腰同又不
得小溲不亟治病即入濡腎及其未舍五藏急治之病

方今客腎濡此所謂腎痺也宋建曰然建故有要脊痛

往四五日天雨黃氏諸倩

倩者壻也東齊之間壻謂之倩言可假倩也

見建

家京下有方石

京倉廩之屬也

即弄之建亦欲效之效之不能

起即復置之暮要脊痛不得溺至今不愈建病得之好

持重所以知建病者臣意見其色太陽色乾腎部上及

界要以下者枯四分所故以往四五日知其發也臣意

即為柔湯使服之十八日所而病愈濟北王侍者韓女

病要背痛寒熱衆醫皆以為寒熱也臣意診脉曰內寒

月事不下也即窳以藥旋下病已病得之欲男子而不可得也所以知韓女之病者診其脉時切之腎病也嗇而不屬嗇而不屬者其來難堅故曰月不下肝脉弦出左口故曰欲男子不可得也臨淄汜里女子薄吾病甚衆醫以為寒熱篤當死不治臣意診其脉曰蟻瘕蟻瘕為病腹太上膚黃麤循之戚戚然臣意飲以芫華一撮即出蟻可數升病已三十日如故病蟻得之於寒濕氣宛篤不發化為蟲臣意所以知薄吾病者切其脉循其

尺其尺索刺麓而毛美奉髮

奉一作奏
又作拳

是蟲氣也其色

澤者中藏無邪氣及重病齊淳于司馬病臣意切其脉

告曰當病迴風迴風之狀飲食下噎輒後之

如廁

病得之

飽食而疾走淳于司馬曰我之王家食馬肝食飽甚見

酒來即走去疾驅至舍即泄數十出臣意告曰為火齊

米汁飲之七八日病已所以知之者診其脉時切之盡

如法其病順故不死齊中郎破石病臣意診其脉告曰

肺傷不治當後十日丁亥溲血死即後十日溲血而死

破石之病得之墜馬僵石上所以知破石之病者切其脉得肺陰氣其來散數道至而不一也色又乘之所以知其墜馬者切之得番陰脉入虛裏乘肺脉肺脈散故色變也乘之所以不中期死者師言曰病者安穀即過期不安穀則不及期其人嗜黍黍主肺故過期所以洩血者診脉法曰病喜養陰處者順死喜養陽處者逆死其人喜自靜不躁又久安坐伏几而寐故血下泄齊王侍醫遂病自練五石服之臣意往過之遂謂意曰不肖

有病幸診遂也臣意即診之告曰公病中熱論曰中熱
不洩者不可服五石石之為藥精悍公服之不得數洩
亟勿服色將發臃遂曰扁鵲曰陰石以治陰病陽石以
治陽病夫藥石者有陰陽水火之齊故中熱即為陰石
柔齊治之中寒即為陽石剛齊治之臣意曰公所論遠
矣扁鵲雖言若是然必審診起度量立規矩稱權衡合
色脉合一表裏有餘不足順逆之法參其人動靜與息
作占相應乃可以論論曰陽疾處內陰形應外者不加悍藥

及鑿石夫悍藥入中則邪氣辟矣而宛氣愈深診法曰
二陰應外一陽接內者不可以剛藥剛藥入則動陽陰
病益衰陽病益著邪氣流行為重困於愈忿發為疽意
告後百餘日果為疽發乳上入缺盆死此為論之大體
也必有經紀拙工有一不習文理陰陽失矣齊王故謂
陽虛侯時病甚齊悼惠王子也名將盧
以文帝十六年為齊王衆醫皆以為蹙
臣意診脉以為痺根在右脅下大如覆杯令人喘逆氣
不能食臣意即以火齊粥且飲六日氣下即令更服丸

藥出入六日病已病得之內診之時不能識其經解大
識其病所在臣意嘗診安陽武都里成開方開方自言
以為不病臣意謂之病苦沓風三歲四支不能自用使
人瘖脊一作瘖即死今聞其四支不能用瘖而未死也病
得之數飲酒以見大風氣所以知開方病者診之其脉
法奇咳言曰藏氣相反者死切之得腎反肺二反字一
作及字
法曰三歲死也安陵阪里公乘項處病臣意診脉曰牡
疝牡疝在鬲下上連肺病得之內臣意謂之慎毋為勞

力事為勞力者則必嘔血死處後蹶踰要覺寒汗出多
即嘔血臣意復診之曰當旦日日夕死即死病得之內
所以知項處病者切其脉得番陽番陽入虛裏處旦日
死一番一絡者絡一作結牡疝也臣意曰他所診期決死生
及所治已病衆多又頗忘之不能盡識不敢以對問臣
意所診治病病名多同而診異或死或不死何也對曰
病名多相類不可知故古聖人為之脉法以起度量立
規矩縣權衡按繩墨調陰陽別人之脉各名之與天地

相應參合於人故乃別百病以異之有數者皆異之無
數者同之然脉法不可勝驗診病人以度異之乃可別
同名命病主在所居今臣意所診者皆有診籍所以別
之者臣意所受師方適成師死以故表籍所診期決死
生觀所失得者合脉法以故至今知之問臣意曰所期
病死生或不應期何故對曰此皆飲食喜怒不節或不
當飲藥或不當針灸以故不中期死也問臣意意方能
知病死生論藥用所宜諸侯王大臣有嘗問臣意者不

及文王病時

齊文王也
以文
帝十五年卒

不求意診治何故對曰趙

王膠西王濟南王吳王皆使人來召臣意臣意不敢往

文王病時臣意家貧欲為人治病誠恐吏以除拘臣意

也

時諸侯得
自拜除吏

故移名數左右不修家生出行游國中問

善為方數者事之久矣見事數師悉受其要事盡其方

書意及解論之身居陽虛侯國因事侯侯入朝臣意從

之長安以故得診安陸項處等病也問臣意知文王所

以得病不起之狀臣意曰不見文王病然竊聞文王病

喘頭痛目不明臣意心論之以為非病也為肥而蓄精
身體不得搖骨肉不相任故喘不當醫治脉法曰年二
十脉氣當趨年三十當疾步四十當安坐年五十當安
卧年六十以上氣當大董文王年未滿二十方脉氣之
趨也而徐之不應天道四時後聞醫灸之即篤此論病
之過也臣意論之以為神氣爭而邪氣入非年少所能
復之也以故死所謂氣者當調飲食擇宴日車步廣志
以適筋骨肉血脉以瀉氣故年二十是謂易質

一作質
又作質

法不當砭灸砭灸至氣逐問臣意師慶安受之聞於齊
諸侯不對曰不知慶所師受慶家富善為醫不肯為人
治病當以此故不聞慶又告臣意曰慎毋令我子孫知
若學我方也問臣意師慶何見於意而愛意欲悉教意
方對曰臣意不聞師慶為方善也意所以知慶者意少
時好諸方事臣意試其方皆驗精良臣意聞菑川唐里
公孫光善為古傳方臣意即往謁之得見事之受方化
陰陽及傳語法臣意悉受書之臣意欲盡受他精方公

孫光曰吾方盡矣不為愛公所吾身已衰無所復事之
是吾年少所受妙方今悉與公母以教人臣意曰得見
事待公前悉得禁方幸甚意死不敢妄傳人居有間公
孫光間處臣意深論方見言百世為之精也師光喜曰
公必為國手吾有所善者皆疏同產處臨菑善為方吾
不若其方甚竒非世之所聞也吾年中時嘗欲受其方
楊中倩不肯曰若非其人也胥與公往見之胥猶言當
知公喜方也其人亦老矣其家給富時者未往會慶子

男殷來獻馬因師光奏馬王所意以故得與殷善光又屬意於殷曰意好數公必謹遇之其人聖儒即為書以意屬楊慶以故知慶臣意事慶謹以故愛意也問臣意曰吏民嘗有事學意方及畢盡得意不何縣里人對曰臨菑人宋邑一作邑學臣意教以五診歲餘濟北王遣太醫高期王禹一作學臣意教以經脉高下及奇絡結當論俞所居及氣當上下出入邪正逆順以宜鑿石定砭灸亦處歲餘菑川王時遣太倉馬長馮信正方臣意

教以按法逆順論藥法定五味及和齊湯法高永侯家
丞杜信喜脉來學臣意教以上下經脉五診二歲餘臨
苗召里唐安來學臣意教以五診上下經脉奇嗽四時
應陰陽重未成除為齊王侍醫問臣意診病決死生能
全無失乎臣意對曰意治病必先切其脉乃治之敗
逆者不可治其順者乃治之心不精脉所期死生視可
治時時失之臣意不能全也

周仁其先任城人以醫見

見於天子

為太子舍人積功遷至

大中大夫

樓護字君卿齊人父世醫護少隨父為醫長安出入貴戚家護誦醫經本草方術數十萬言長者咸愛重之後為廣漢太守王莽前輝光卒

後漢涪翁不知何出常漁釣於涪水因號涪翁乞食人間見有疾者時下針石輒應時而效乃著針經診脉法傳於世弟子程高尋求積年翁乃授之高亦隱迹不仕郭玉少師事程高學方診六微之技陰陽不測之術和

帝時為太醫丞多有效應帝奇之仍試令嬖臣美手腕者與女子雜處惟中使玉各診一手問所疾苦玉曰左陽右陰脉有男女狀若異人臣疑其故帝歎息稱善玉仁愛不矜雖貧賤廝養必盡其心力而醫療貴人時或不愈帝乃令貴人羸服變處一針即差名玉詰問其狀對曰醫之為言意也腠理至微隨氣用巧針石之間毫芒即乖神存於心手之際可得解而不可言也夫貴者處尊高以臨臣臣懷怖懾以承之其為療也有四難焉

自用意而不任臣一難也將身不謹二難也骨節不强不能使藥三難也好逸惡勞四難也針有分寸時有破漏重以恐懼之心加以裁慎之志臣意且猶不盡何有於病哉此所為不愈也帝善其對

黃憲父為牛醫

阮炳字叔文為河南尹精意醫術撰藥方一部

魏東平王翕撰解寒食散方與皇甫謐所撰竝行於世

華佗字元化沛國譙人一名專

古數字與專相似屬書者多不能別尋也字元

化其名宜
為數也

游學徐士舉孝廉太尉黃琬辟皆不就曉養

性之術時人以為仙年且百歲而貌有壯容又精方藥
其療疾合湯不過數種心解分劑不復稱量煮熟便飲
語其節度舍去輒愈若當灸不過一兩處每處不過七
八壯病亦應除若當針亦不過一兩處下針言當引某
許若至語人病者言已到應便拔針病亦行差若病結
積在內針藥所不能及當須剝割者便飲其麻沸湯須
臾便如醉死無所知因破取病若在腸中便斷腸湔洗

縫腸膏摩四五日差不痛人亦不自寤一月間即平復矣故甘陵相夫人有娠六月腹痛不安佗視脉曰胎已死矣使人手摸知所在在左則男在右則女人云在左於是為湯下果下男形即愈縣吏尹世苦四支煩口中渴不欲聞人聲小便不利佗曰試作熟食汗則愈不汗後三日死即作熟食不汗出佗曰藏氣已絕於內當涕泣而絕果如佗言府吏兒尋李延共止俱頭痛身熱所苦正同佗曰尋當下之延當發汗或難其異佗曰尋外

實延內實故治之宜殊即各與藥明日竝起鹽漬嚴昕
與數人共候佗適至佗謂昕曰君身中佳否昕曰自如
常佗曰君有急病見於面莫多飲酒坐畢歸行數里昕
卒頭眩墮車人扶將還載歸家中宿死故督郵瑱子獻
得病已差詣佗視脉曰尚虛未得復勿為勞事御內即
死臨死當吐舌數寸其妻聞其病除從百餘里來省之
止宿交接中間三日發病一如佗言督郵徐毅得病佗
往省之毅謂佗曰昨使醫曹吏劉祖針胃管訖便苦咳

嗽欲卧不安佗曰刺不得胃管誤中肝也食當日減五日不救遂如佗言東陽陳叔山小男二歲得疾下利嘗先啼日以羸困問佗佗曰其母懷軀陽氣內養乳中虛冷兒得母寒故今不得愈佗與四物女宛丸十日即除彭城夫人夜之廁蠶螫其手呻呼無賴佗令温湯近熱漬手其中卒可得寢但旁人數為易湯令煖之其旦即愈軍吏梅平得病除名還家家居廣陵未至二百里止親人舍有頃佗偶至主人許主人令佗視平佗謂平曰

君早見我不至此今疾已結促去可得與家相見五日卒應時歸如佗所刻佗行道見一人病咽塞嗜食而不得下家人車載欲往就醫佗聞其呻吟駐車往視之語之曰向來道邊有賣餅家蒜齏大酢從取三升飲之病自當去即如佗言立吐蛇一枚縣車邊欲造佗佗尚未還小兒戲門前逆見自相謂曰似逢我公車邊病是也病者前入坐見佗北壁縣此蛇輩約以十數又有一郡守病佗以為其人盛怒則差乃多受其貨而不加治無

何棄去留書罵之郡守果大怒令人追捉殺佗郡守子知之屬使勿逐守瞋恚既甚吐黑血數升而愈又有一士大夫不快佗云君病深當破腹取然君壽亦不過十年病不能殺君君忍病十載壽俱當盡不足故自剗裂士大夫不耐痛癢必欲除之佗遂下手所患尋差十年竟死廣陵太守陳登得病胸中煩懣面赤不食佗脉之曰府君胃中有蟲數升欲成內疽食腥物所為也即作湯三升先服一升斯須盡服之食頃吐出三升許蟲赤

頭皆動半身是生魚膾也所苦便愈佗曰此病後三期當發遇良醫乃可濟救依期果發動時佗不在如言而死太祖聞而召佗佗常在左右太祖苦頭風每發心亂目眩佗針鬲隨手而差李將軍妻病甚呼佗視脉曰傷娠而胎不去將軍言聞實傷脈胎已去矣佗曰按脉胎未去也將軍以為不然佗舍去婦稍差百餘日復動更呼佗佗曰此脉故是有胎前當生兩兒一兒生出血甚多後兒不及生母不自覺旁人亦不寤不復迎遂不得

生胎死其血脉不復歸必燥着母脊故使多脊痛今當與湯并針一處此死胎必出湯針既加婦痛急如欲生者佗曰此死胎久枯不能自出宜使人探之果得一死男手足完其色黑長可尺許佗之絕技凡類此也然本作士人以醫見業意嘗自悔後太祖親理得病篤重使佗專視佗曰此近於難濟事攻治可延歲月佗久遠家思歸因曰當得家書方欲暫還爾到家辭以妻病數乞期不反太祖累書呼又救郡縣發遣佗恃能厭食事猶

不上道太祖大怒使人往撿若妻信病賜小豆四十斛
寬假限日若其虛詐便收送之於是傳付許獄考驗首
服荀彧請曰佗術實工人命所縣宜赦宥之太祖曰不
憂天下當無此鼠輩邪遂考竟佗佗臨死出一卷書與
獄吏曰此可以活人吏畏法不受佗亦不强索火燒之
佗死後太祖頭風未除太祖曰佗能愈此小人養吾病
欲以自重然吾不殺此子亦終當不為我斷此根原耳
及後愛子倉舒病困太祖歎曰吾悔殺華佗令此兒僵

死也初軍吏李成苦咳嗽晝夜不寐時吐膿血以問佗
佗云君病腸臃欬之所吐非從肺來也與君兩錢散當
吐二升餘膿血訖快自養一月可小起好自將愛一年
便健十八歲當一小發服此散亦行復差若不得此藥
故當死復與兩錢散成得藥去五六歲親中人有病如
成者謂成曰卿今强健我欲死何忍無急去藥紫古語
以藏為
也以待不祥先將貸我我差為卿從華佗更索成與之
已故到譙適值佗見收怒怒不忍從求十八歲成病竟

發無藥可復以至於死人有在青龍中見山陽太守廣陵劉景宗言漢末景宗說中平日數見華佗其治病手脈之候其驗若神琅琊劉勲為河內太守有女年幾二十左脚膝裏上有瘡癢而不痛瘡愈數十日復發如此七八年迎佗使視佗曰是易治之當得稻糠黃色犬一頭好馬二疋以繩繫犬頸使走馬牽犬馬亟輒易馬走三十餘里犬不能行復令步人拖曳計向五十里乃藥藥飲女女即安卧不知人因取大刀斷犬腹近後脚之


前以所斷之處向瘡口令去二三寸停之須臾有若蛇者從瘡中而出便以鐵錐橫貫蛇頭蛇在皮中動搖良久須臾不動乃牽出長三寸所純是蛇但有眼處無瞳子又逆鱗耳以膏著瘡中七日愈又有人苦頭眩頭不得舉目不得視積年佗使悉解衣倒縣令頭去地一二寸濡布拭身體令周匝候視諸脉盡出五色佗令弟子數人以鉞刀抉脉五色血盡視赤血乃下以膏摩被覆汗且出周匝飲以亭歷大血散立愈又有婦人長病經

年世謂寒熱注病者冬十一月中佗令坐石槽中平旦用寒水汲灌云當滿百始七八灌會戰欲死灌者懼欲止佗令滿數將至八十灌熱氣乃蒸出囂囂高二三尺滿百灌佗乃使然火溫牀厚覆良久汗洽出著粉汗燥便愈又有人病腹中半切痛十餘日中鬚眉墮落佗曰是脾半腐可剝腹養治也使飲藥令卧破腹就視脾果半腐壞以刀斷之刮去惡肉以膏傅瘡飲之以藥百日平復

佗別傳曰有人病兩脚蹙不能行舉詣佗佗望見云已飽針矣服藥矣不看脉便使解衣點其背數十處相去或一寸或五寸縱邪不相當言灸此各十壯灸創愈即行行後灸處夾脊一寸上下行端直均謂調如引繩矣吳普廣陵人從華佗學普依準佗治多所全濟

樊阿彭城人從華佗學阿善針術凡醫咸言背及胃藏之間不可妄針針之不過四分而阿針背入一二寸巨關胃藏針下五六寸而病輒皆瘳

吳趙泉以善醫為侍醫赤烏中為丞相顧雍疾微時孫
權令泉視之拜其少子濟為騎都尉雍聞之悲曰泉善
別死生吾必不起故上欲及吾目見濟拜也雍果卒



冊府元龜卷八百五十八

欽定四庫全書

子部
冊府元龜卷八百五十九
六十

詳校官中書臣孫球

侍讀臣孫球覆勘

總校官庶吉士臣何思鈞

校對官助教臣汪錫魁

謄錄監生臣梁如林

欽定四庫全書

冊府元龜卷八百五十九

宋 王欽若等撰

總錄部

醫術第二

晉裴頠通博多聞兼明醫術荀勗之修律度也檢得古尺短世所用四分有餘頠上言宜改諸度量若未能悉草可先改太醫權衡此若差違遂失神農岐伯之正藥物輕重分兩互乖所可傷天為害尤深古壽考而今短

折者未必不繇此也卒不能用官至尚書僕射

單道開燉煌人自言能療目疾就療者頗驗後入羅浮

山

魏詠之生而免缺年十八聞荊州刺史殷仲堪帳下有
名醫能療之貧無行裝謂家人曰殘醜如此用活何益
遂齋數斛米西上以投仲堪既至造門自通仲堪與語
嘉其盛意召醫視之醫曰可割而補之但須百日進粥
不得語笑詠之曰半生不語而有半亦當療之况百日

邪仲堪於是處之別屋令醫善療之詠之遂閉口不言
唯食薄粥其厲志如此及差仲堪厚資遣之詠之後亦
至荊州刺史

南齊徐文伯東海人文伯濮陽太守熙曾孫也熙好黃
老隱於秦望山有道士過求飲畱一瓢獻與之曰君子
孫宜以道術救世當得二千石熙開之乃扁鵲鏡經一
卷因心學之遂名震海內生子秋夫彌工其術仕至射
陽令嘗夜有鬼神呻聲甚悽愴秋夫問何須荅言姓某

家東陽患腰痛死雖為鬼痛尤難忍請療之秋夫曰云何厝法鬼請為芻人紫孔穴針之秋夫如言為灸四處又針肩井三處設祭埋之明日見一人謝恩忽然不見當世服其通靈秋夫生道度叔嚮皆能精其業道度有脚疾不能行宋文帝令乘小輿入殿為諸皇子療疾無不絕驗位至蘭陵太守道度生文伯叔嚮生嗣伯文伯亦精其業兼有學行倜儻不屈意於公卿不以醫自業張融謂文伯嗣伯曰昔王微稽叔夜竝學而不能殷仲

堪之徒故所不論得之者繇神明洞徹然後可至故非
吾徒所及且褚侍中澄當貴亦能救人疾卿此更成不
達答曰唯達者知此可崇不達者以為深慮既鄙之何
能不恥之文伯為效與嗣伯相埒宋孝武路太后病眾
醫不識文伯診之曰此石博小腸爾乃為水劑消石湯
飲之病即愈除鄱陽王常侍遺以千金旬日恩意隆重
宋明帝宮人患腰痛牽心每至輒氣欲絕眾醫以為肉
癥文伯曰此髮癥以油投之即吐得物如髮稍引之長

三尺頭已成蛇能動挂門上滴盡一髮而已病都差宋
後廢帝出樂遊苑門逢一婦人有娠帝亦善診之曰此
腹是女也問文伯曰腹有兩子一男一女左邊青黑形
小於女帝性急便欲使剖文伯惻然曰若刀斧恐其變
異請針之立落便瀉足太陰補手陽明胎便應針而落
兩兒相續出如其言子雄亦傳家業尤工診察位奉朝
請能清言多為貴游所喜嗣伯位正員外郎諸府佐深
為臨川王映所重時直閣將軍房伯玉服五石散十許

劑無益更患冷夏日嘗複衣嗣伯為診之曰卿體熱應
須以水發之非冬月不可至十一月冰雪大盛令二人
夾捉伯玉解衣坐石取冷水從頭澆之盡三十斛伯玉
口噤氣絕家人啼哭請止嗣伯遣人執杖防閤敢有諫
者撻之又盡水百斛伯玉始能動而見背上彭彭有氣
俄而起坐曰熱不可忍乞冷飲嗣伯以水飲之一飲一
升病都差自爾常發熱冬月猶單禪衫體更肥壯嘗有
媼人患滯冷積年不差嗣伯為診之曰此尸注也當取

死人枕煮服之乃愈於是往古冢中取枕枕已一邊腐
缺服之即差後秣陵人張景年十五歲腹脹面黃衆醫
不能療問嗣伯嗣伯曰此石虺耳極難療當取死人枕
煮之依語煮枕以湯投之得大利下虺虫頭堅如石五
升病即差後沈僧翼患眼痛又多見鬼物以問嗣伯嗣
伯曰邪氣入肝可覓死人枕煮服之竟可埋枕於故處
如其言又愈王晏問之曰三病不同而皆用死人枕而
俱差何也荅曰尸注者鬼氣伏而未起故令人沈滯得

死人枕之魂氣飛越不得復附體故尸注可差石魃者
久魃也醫療既僻魃中轉堅世間藥不能遣所以須鬼
物驅之然後可散故令煮死人枕也夫邪氣入肝故使
眼痛而見魃魃應須邪物以鈎之故用死人枕也氣因
枕去故令埋於冢間也又春月出南籬間戲聞笪屋中
有呻聲嗣伯曰此病甚重二日不療必死乃往視之見
一老媪稱體痛而處處有黥黑無數嗣伯還煮枕斗餘送
令服之服訖痛勢愈甚跳投床者無數須臾所黥處皆

拔出釘長寸許以膏塗諸瘡口三日而復云此名釘疽也

薛伯宗善徙癰疽公孫泰患背伯宗為氣封之徙置齋前柳樹上明旦癰消樹邊便起一瘤如拳大稍稍長二十餘日瘤大膿爛出黃赤汁斗餘柳樹為之痿損

褚淵弟澄拜駙馬都尉歷官清顯善醫術豫章王感疾太祖召澄為治立愈建元中為吳郡太守百姓李道念以公事到郡澄見謂曰汝有重病荅曰舊有冷病至今

五年衆醫不差澄為診脉曰汝病非冷非熱當是食白
瀉雞子過多所致令取蘇一升煮服乃吐一物如丸涎
裏之動開看是雞雛羽翅距具足能行走澄曰此未盡
更服所餘藥又吐得如嚮者雞二十頭而病都差當時
稱妙焉

梁何佟之善醫術與徐嗣伯埒名子聰能世其家業佟
之自東昏即位以其亮虐乃謝病終身不涉其流天監
中為尚書左丞

後魏周澹鄂人多方術尤善醫藥遂為太醫令明元嘗
苦風頭眩澹治得愈繇是見寵位至特進賜爵成德侯
陰貞家世為醫與周澹竝受封爵李潭亦以善鍼見知
于驥駒襲傳術延興中位至散令

李修字思祖父亮少學醫術未能精究太武時奔宋於
彭城又就沙門僧坦研習衆方畧盡其術針灸授藥莫
不有效徐兗之間多所救恤四方疾苦不遠千里競往
從之亮大為廳事以舍病人停車輿於下時有死者則

就而棺殯親往弔視其仁厚若此修兄元孫亦遵父業
而不及修以功賜爵義平子拜奉朝請遷給事中和
中在禁內孝文文明太后時有不豫侍針藥治多有效
賞賜累加車服第宅號為鮮麗集諸學士及工書者百
餘人在東宮撰諸藥方百餘卷皆行於世先是咸陽公
高允雖年且百歲而氣力尚康文明太后時令修診視
之一旦奏言允脉竭氣微大命無逮未幾果亡遷雒時
為前軍將軍領太醫令後數年卒子天授襲汶陽令醫

術又不逮父

徐謩字成伯家本東莞與兄文伯等皆善醫藥謩因至青州慕容白曜平東陽獲之表送京師獻文欲驗其所能乃置諸病人於幕中使謩隔而脉之深得病形兼知色候遂被寵遇為中散稍遷內侍長文明太后時問經方而不及李修之見任用也與謩合和藥劑攻療之驗精妙於修而性甚秘忌承奉不得其意者雖為王公不為厝療也孝文後知其能及遷雒稍加眷幸體小不平

及所寵馮昭儀有疾皆能處治又除中散大夫轉侍御
孝文幸懸瓠有疾大漸乃馳驛召蹇合水路赴行一日
一夜行數百里至診省下治果有驗孝文體少瘳內外
稱慶及車駕發豫州次於汝濱乃大為蹇設太官珍饈
因集百官特坐蹇於上席遍陳饋觴於前命左右宣蹇
救攝危篤振濟之功宜加酬賚乃下詔曰夫神出無方
形稟有驗憂喜乖適理必傷生朕幼攬萬幾長踵草運
思茫茫而無怠身忽忽以興勞仲秋動疴心容頓竭氣

體羸瘠玉肌在慮侍御師右軍徐成伯馳輪太室進療
女蕃方窮丹英藥盡砭石誠術兩輸忠妙俱至乃令沈
勞勝愈篤療克痊論勤語效實宜褒錄昔晉武暴疾程
和進藥增封賜錢恩獎屢至况疾深於疇日業艱於
辰得不重加陟賞乎宜順羣望錫以山河且其舊經高
秩中暫解退比雖詮用猶未准舊量今事合顯進可大
鴻臚卿金鄉縣開國伯食邑五百戶賜錢一萬貫又詔
曰錢府未充須以雜物絹二千疋雜物一百四十疋出

御府穀二千斛奴婢十口馬十疋一疋出御騮牛十頭
所賜雜物奴婢牛馬皆經內呈諸親王咸陽王禧等各
有別齋竝至千疋從行至鄴孝文猶未發動嘗日夕左
右明年從詣馬圈孝文疾勢遂甚蹙蹙不怡每加切誚
又欲加之鞭捶幸而獲免

王顯父安上少與李亮同師俱學醫藥精究其術而不
宜亮顯少歷本州從事雖以醫術自通而明敏有決斷
才用初文昭太后之懷宣武也夢為日所逐化而為龍

而繞后后寤而驚悸遂成心疾文明太后勅召徐謩及顯等為后診脉謩云是微風入臧宜進湯加針顯言案三部脉非有心疾將是懷孕生男之象果如顯言宣武自幼有微疾久未善愈顯攝療有效因是稍蒙眄識拜廷尉少卿營進御藥出為相州刺史入除御史中丞宣武詔顯撰藥方三十五卷頒布天下以療諸疾

崔景鳳涉學以醫術知名為尚藥典御

北齊李元忠以母老多患乃專心醫藥研習積年遂善

於方伎性仁恕見有疾者不問貴賤皆為救療後為驃騎大將軍

李密為散騎常侍性方直有行檢因母患積年得名醫治療不愈乃精習經方洞曉針藥母疾得除當世皆服其明解繇是以醫術知名

徐之才父雄仕南齊位蘭陵太守以醫術為江右所稱之才初為豫章王綜鎮北主簿及綜入魏啟魏帝云之才大善醫術兼有機辨詔徵之之才藥石多效天平中

神武徵赴晉陽嘗在內館出為西兗州刺史未之官武
明皇太后不豫之才療之應手便愈孝昭賜綵帛千段
錦四百疋之才既善醫術雖有外授頃即徵還既博識
多聞繇是於方術尤妙有人患脚根腫痛諸醫莫能識
之才曰蛤精疾也繇乘船入海垂脚水中疾者曰實曾
如此之才為割得蛤子二大如榆莢累遷兗州刺史之
才醫術最高偏被命名武成酒色過度恍惚不恒曾病
發自云初見空中有五色物稍近變成一美婦人去地

數丈亭亭而立食頃變為觀世音之才云此色欲多大
虛所致即處湯方服一劑便覺稍遠又服還變成五色
物數劑湯疾竟愈帝每發動輒遣騎追之針藥所加因
時必效故頻有端執之舉入秋武成小定更不發動和
士開欲依次轉進以之才附籍兗州即是本屬遂奏附
刺史以胡長仁為左僕射士開為右僕射及十月帝又
疾動士開云浪用之才外任使我辛苦其月八日勅驛
追之才帝以十日崩之才十一日方到既無所及復還

赴州之才弟之範亦醫術見知位太常卿特聽襲之才
爵西陽王

崔季舒初為黃門侍郎坐事徙北邊季舒本好醫術天
保中於徙所無事時更銳意研精遂為名手多所全濟
雖位望轉高未曾懈怠縱貧賤廝養輩亦為之療

馬嗣明少明醫術博綜經方甲乙素問明堂本草莫不
咸誦為人診脉一年前知其生死邢邵子大寶患傷寒
嗣明為其診脉退告楊愔云邢公子傷寒不治自差然

脉候不出一年便死覺之少晚不可治楊邢竝侍讌內

殿文宣云子才兒

臣欽若等曰
邵字子才

我欲乞其隨近一郡邵

以此子年少未合剖符讌罷奏云馬嗣明稱大寶脉惡
一年內恐死若其出郡醫藥難求遂寢大寶未暮而卒
楊愔患背腫嗣明以練石塗之便差作練石法以麤黃
色石如鵝鴨卵大猛火燒令赤內醇醋中自有石屑落
醋裏頻燒至石盡取石屑暴乾擣下篋和醋塗腫上無
不愈後為通直散騎常侍針灸孔穴往往與明堂不同

從駕往晉陽山中數處見榜云有人家女病若有能治
差者購錢十萬諸名醫多尋榜至問病狀俱不下手惟
嗣明獨治之問其病繇云曾以手持一麥稊即見一赤
物長二寸許似蛇入其手指中因驚怖倒地即覺手臂
疼腫漸又半身俱腫痛不可忍呻吟晝夜不絕嗣明即
為處方服湯比嗣明明年從駕還女已平復

後周姚僧垣父菩提仕梁高平令嘗嬰疾癩歷年乃留
心醫藥武帝性又好之每名菩提至討論方術言多會

意由是頗禮之僧垣年二十四即傳家業武帝召入禁
中面加論試僧垣酬對無滯帝奇之大通六年解褐臨
川嗣王國左常侍大同五年除驃騎廬陵王府田曹叅
軍九年追領殿中醫師時武陵王所生葛修華宿患積
時方術莫效帝令僧垣視之僧垣還具說其狀并記增
損時候帝嘆曰卿用意綿密乃至於此以此候疾何疾
可逃朕嘗以前代名人多好此術是以每常留情頗識
治體今聞卿說益開人意十年轉領太醫正加文德主

使直閣將軍帝嘗因發熱欲服大黃僧垣曰大黃乃是快藥然至尊年高不宜輕用帝弗從遂致危篤簡文在東宮甚禮之四時伏臘每有賞賜元帝嘗有疾乃召諸醫議治療之方咸謂至尊至貴不可輕脫宜用平藥可漸宣通僧垣曰脉洪而實此有宿妨非用大黃必無差理元帝從之進湯訖果下宿食因而疾愈元帝大喜時初鑄錢一當十乃賜錢十萬實百萬也及大軍克荊州中山公護使人求僧垣至其營復為燕公子謹所召大

相禮接太祖又遣使馳驛徵僧垣謹固留不遣謂使人曰吾年時哀暮疹疾嬰沈今得此人望與之偕老太祖以謹勲德隆重乃止焉明年隨謹至長安武成元年授小畿伯下大夫金州刺史伊婁穆以疾還京謹請僧垣省疾乃云自腰至臍似有三縛兩脚緩縱不復自持僧垣即為診脉處湯三劑穆初服一劑上縛即解次服一劑中縛即解又服一劑三縛悉除而兩脚疼痺猶自攣弱更為合散一劑稍得屈伸僧垣曰終待霜降此患當

愈及至九月遂能起行大將軍襄樂公賀蘭陵先有氣疾加以水腫喘息奔急坐卧不安或有勸其服決命大散者其家疑未能決乃問僧垣僧垣曰意謂此患不與大散相當若欲自服不煩賜問因而委去其子殷勤拜請曰多時仰屈今日始來竟不下治意實未盡僧垣知其可差即為處方勸使急服便即氣通更服一劑諸患悉愈天和元年加授車騎大將軍儀同三司大將軍樂平公竇集暴感風疾精神昏亂無所覺知諸醫先視者

皆云已不可救僧垣後至曰困矣終當不死若專以見
付相為治之其家欣然請受方術僧垣為合湯散所患
即瘳大將軍永世公叱伏列椿苦痢積時而不廢朝謁
燕公于謹嘗問僧垣曰樂平永世俱有痼疾若如僕意
永世差輕對曰夫患有深淺時有尅殺樂平雖困終當
保全永世雖輕必不免死謹曰君言必死當在何時對
曰不出四月果如其言謹歎異之六月遷遂伯中大夫
建德三年文宣太后寢疾醫巫雜說各有同異武帝御

內殿引僧垣同坐曰太后患勢不輕諸醫竝云無慮朕人子之情可以意得君臣之義言在無隱公以為何如對曰臣無聽聲視色之妙特以經事已多准之恒人竊以憂懼帝泣曰公既決之矣知復何言尋而太后崩四年武帝親戎東討至河陰遇疾口不能言臉垂覆目不得視一足縮短又不得行僧垣曰此為諸藏俱病不可竝治軍中之要莫先於語乃取方進藥帝遂得言次又治目目疾便愈未及治足足疾亦瘳比至華州帝已痊

復即除華州刺史仍詔隨駕入京不令在鎮宣政元年
表請致仕優詔許之是歲武帝幸雲陽遂寢疾初召僧
垣赴行在所內史柳昂私問曰至尊貶膳日久脉候何
如對曰天子上應天心或當非愚所及若凡庶如此萬
無一全尋而帝崩大象二年除太醫下大夫宣帝有疾
至於大漸僧垣宿直侍疾帝謂隨公曰今日性命惟委
此人僧垣診便知帝危殆必不全濟乃對曰臣荷恩既
重益思効力但恐庸短不逮敢不盡心帝頷之開皇初

卒僧垣醫術高妙為當世所推前後效驗不可勝紀聲譽既盛遠聞邊服至於諸蕃外域咸請託之僧垣乃搜採竒異叅較微効者為集驗方十二卷行於世

姚最僧垣之子為齊王憲府水曹參軍掌記室事最幼在江左迄於入關未習醫術天和中齊王憲奏武帝遣最習之憲又謂最曰爾博學多才何如王褒庾信庾信王褒名重兩國吾視之蔑如接待資給非爾家比也爾宜深識此意勿不存心且天子有勅彌須勉勵最於是

始受家業十許年中畧盡其妙每有人造請效驗甚多
褚該字孝通幼而謹厚有譽鄉曲尤善醫術見稱於時
武成元年除醫正上士自許真死後該稍為時人所重
賓客迎候亞於姚僧垣天和初遷縣伯下大夫五年進
授車騎大將軍儀同三司該性淹和不自矜尚但有請
之者皆為盡其藝術時論稱其長者子士則亦傳其家
業

隋許智藏高陽人祖道幼嘗以母疾遂覽醫方因而究

極世號名醫誠其諸子曰為人子者嘗膳視藥不知方術豈謂孝乎繇是世相傳授初仕陳為散騎常侍及陳滅高祖以為員外散騎侍郎使詣揚州會秦孝王俊有病帝馳召之俊夜中夢其亡妃崔氏泣曰本來相迎知許智藏將至其人若到當必相苦為之奈何明夜俊又夢崔氏曰妾得計矣當入靈府中以避之及智藏至為俊診脉曰疾已入心即當發癩不可救也果如言俊數日而薨帝竒其妙賚物百段煬帝即位智藏時致仕於

家帝每有所苦輒令中使就宅詢訪或以輿迎入殿扶登御床智藏為方奏之用無不效年八十卒於家

唐許胤宗常州義興人初仕陳為新蔡王外兵叅軍時
柳太后感風不能言名醫療皆不愈脉益沈而喋胤宗
曰口不可下藥宜以陽氣熏之令藥入腠理周理即可
差乃造黃耆防風湯數十斛置於床下氣如煙霧其夜
便得語絲是超拜義興太守陳亡入隋歷尚藥奉御武
德初累授散騎侍郎關中多骨蒸病得之必死遞相連

染諸醫無能療者，盾宗每療無不愈，或謂曰：公醫術若神，何不著書以貽將來？盾宗曰：醫者意也在人，思慮又脈候幽微，若其難別，意之所解，口不能宣，且古之名手，惟是別脈，脈既精別，然後識病，夫病之於藥，有正相當者，惟須單用一味，直攻其病，藥力既純，病即立愈。今人不能別脈，莫識病源，以情臆度，多安藥味，譬之於獵，未知兔所多，發人馬空地遮圍，或冀一人偶然逢也。如此療疾，不亦踈乎？假令一藥偶然當病，復共他味相和，君

臣相制氣勢不行所以難差諒絲於此脉之深趣既不
可言虛設經方豈加於舊吾思之久矣故不能著述爾
年九十餘卒

甄權許州扶溝人嘗以母病與弟立言專習醫方得其
旨趣初仕隋開皇初為秘書省正字後稱疾免魯州刺
史庫狄欽苦風患手不能引弓諸醫莫能療權謂曰但
將弓箭向塚一針可以射矣針其肩隅一穴應時即射
權之療疾多此類也貞觀十七年權年一百三歲太宗

幸其家視其飲食訪以藥性因授朝散大夫賜几杖衣服是年卒撰脉經針方明堂人形圖各一卷

甄立言權弟也累遷太常丞御史大夫杜淹患風毒發腫太宗令立言視之既而奏曰從今更十一日午時必死果如其言時有尼明律年六十餘患心腹鼓脹身體羸瘦已經二年立言診其脉曰腹內有蟲當是誤食髮為之爾因令服雄黃須臾吐一蛇如人手小指無眼燒之猶有髮氣其疾乃愈立言尋卒撰本草醫義七卷古

今錄驗方五十卷

宋俠雒州清漳人以醫術著名官至朝散大夫藥藏監
撰經心錄十卷

孫思邈京兆華原人有推步導引之術隱於太白山年
九十餘視聽不衰高宗顯慶四年徵赴闕召見拜諫議
大夫固辭不受上元初請歸特賜良馬及鄱陽公主邑
司以居焉當時知名之士宋之問孟詵盧焯鄰執師資
之禮以事焉思邈嘗從幸九成宮焯鄰畱在其宅時庭

前有病梨樹炤鄰為之賦其序曰癸酉之歲余卧疾長安光德坊之官舍父老云是鄱陽公主邑司昔公主未嫁而卒故其邑廢時有處士孫思邈居之思邈道洽古今學殫術數高譚正一則古之蒙莊子深入不二則今之維摩詰爾其推步甲乙度量乾坤則雒下閎安期先生之儔也炤鄰有惡疾嘗問思邈曰名醫愈疾其道何如思邈曰吾聞善言天者必質之於人善言人者必本之於天天有四時五行日月相推寒暑遞代其運轉也

和而為雨怒而為風亂而為霧凝而為霜雪張而為虹
蜺此天之常數也人有四支五臟一覺一寐呼吸吐納
精氣往來流而為榮衛彰而為氣色發而為音聲此人
之常數也陽用其形陰用其精天人之所同也及其失
也蒸則生熟否則生寒結而為瘤贅陷而為癰疽奔而
為喘息竭而為焦枯診發乎面變動乎形推此以及天
地則亦如之五緯盈縮星辰錯行日月薄蝕彗孛飛流
此天地之危診也寒暑不時此天地之蒸否也石立土

踊此天地之瘤贅也山推水陷此天地之癰疽也衝風
暴雨此天地之喘息也雨澤不降川瀆涸竭此天地之
焦枯也良醫導之以針石救之以藥劑聖人和之以至
德輔之以人事故人體有可愈之疾天地有可消之災
通乎數也思邈撰千金方三十卷行於世

呂才為太常丞時右監門長史蘇敬上言陶弘景所撰
本草事多舛謬詔中書令許敬宗與才及李淳風禮部
郎中孔志約并諸名醫增損舊本仍令司空李勣總監

定之并圖合成五十五卷大行於世

秦鳴鶴以善針醫為侍醫永淳初高宗苦頭重不能視
召鳴鶴診之鳴鶴曰風毒上攻若刺頭出少血即愈矣
太后自簾中怒曰此可斬也天子頭上豈是出血處鳴
鶴叩頭請命帝曰醫之議病理不加罪且吾頭重悶殆
不能忍出血未必不佳也即令鳴鶴刺之刺百會及腦
戶出血如碁帝曰吾眼似明矣言未畢簾中出綵百匹
以賜鳴鶴

陸贄少習醫方貞元中自宰相再貶忠州別駕避謗不著書集古今方為陸氏集驗方五十卷行於世

梁段深不知何許人開元中以善醫待詔於翰林時太祖抱疾久之其洩甚濁僧曉微時藥有微賜紫衣師號錫賚甚厚頃之疾發曉微剝服色去師號因召深問曰疾愈復作草藥不足恃也我左右粒石而效者衆矣服之何如深對曰臣嘗奉詔診切陛下積憂勤勞失護脉代乳而心益虛臣以為宜先治心心和平而洩變清當

進飲劑而不當粒石也臣謹按太倉公傳曰中熱不洩者不可服石石性精悍有大毒凡餌毒藥如甲兵不得已而用之非有危殆不可服也太祖善之令進飲劑疾稍愈乃以幣帛賜之

後唐孟繼瑜長安醫工帝留守時暴疾以醫效乃攝任洎帝起兵鳳翔繼瑜在長安謁見從至雒屢進方藥年內改諸寺少卿奉使涇州翰林諸醫莫得為比

陳立京兆人家世為醫後唐明宗朝為太原少尹集平

生驗方七十五首并修合藥法百件號曰要術刊石置於太原府衙之左以示於衆病者賴焉

周張泳顯德初進新集普濟方五卷詔付翰林院考驗尋以泳為翰林醫官

劉翰顯德初進經用方書一部三十卷論候一十卷今體治世集二十卷上覽而嘉之乃以為翰林醫官其書付史館

冊府元龜卷八百五十九